

## **ILANNGUSSAQ 3**

Uunga nassuaatit

### **Sulinngiffeqarallartarneq najuutinngikkallartarnerlu pillugit Inatsisartut inatsisaat kiisalu sinniussussamik aggersaasarneq pillugu**

(Inatsisartut suleriaasiata allanngortinneqarnera pillugu siunnersummut ilanngussaq 2)

#### *§ 1-imut*

Imm. 1 Inatsisartut Naalakkersuisullu pillugit Inatsisartut inatsisaanni § 4, imm. 1-imik uteqqiineruvoq. Inatsisikkut aalajangersakkap taassuma inatsisitigut atugassaqartitsissutaa tassaavoq Inatsisartunut ilaasortatut atuuffimmit najuutinnginnissamut sulinngiffeqarallarnissamullu aallaavittut piginnaatitaaffitsigut piumasaqaateqartoqarsinnaanngimmata, tamanna imm. 2-mi itisiliivigineqarpoq. Aamma Inatsisartunut ilaasortap nammineerluni atuuffimminit tunuarsinnaaneranut § 4, imm. 1, akornusiuteqqasoq oqaatigineqarpoq, tassami alloriarneq taamaattoq aamma Inatsisartunit akuerineqassamat.

Pisussaaffittut innuttaasunut sullisisutut atuuffiunera Inatsisartut inatsisartoqarnikkut sulineranni il.il. kajumilluni peqataanissamut piareersimanissamut pisussaaffiliivoq, tassani aamma tamatumunnga Inatsisartunit ataatsimiitaliamilluunniit attuumassuteqartumit aggersagaanermi takkunnissamut, § 1-ip qulaani immikkoortumut qulequtaq takujuk.

Inatsisartut ataatsimiittarfianni ataatsimiinnernut tamarluinnarnut pinngitsoorani peqataasussaatitaanertut takkuttussaatitaaneq paasineqassanngilaq, imaluunniit ataatsimiitaliap ataatsimiinnerinut tamanut sammisaanulluunniit assingusunut, soorlu paasisassarsiorluni angalanernut isumasioqatigiinnernut il.il. Taamaallluni Inatsisartunut ilaasortat ingerlaavartumik ataatsimiitaliaminnut partigruppeminnnullu isumaqatigiissuteqarlutik sulinerminni pingaarnersiuisinnaanermut periarfissaat maannamut atorneqartoq suli periarfissaassaaq. Taamaattorli Inatsisartut sammisaqarnerannut peqataanissaminnut Inatsisartunut ilaasortat piareersimassapput naammaginartumillu akulikissusilimmik taakkununnga peqataallutik.

Imm. 2-p Inatsisartutut atuuffimmit sulinngiffeqarallarnissaap najuutinngikkallarnissallu najoqqutassiap taassuma malittarisassai malillugit akuersissutigineqartussaaneranik erseqqissaanermigut imm. 1 attuumassuteqalersippaa. Akuersissuteqarnermik nalunaaruteqarnissamut piginnaatitaaffik Inatsisartut Siulittaasoqarfianniippoq, taassuma § 10 malillugu malittarisassat allaffissornikkut ingerlanneqarnerisa ilaa Inatsisartut Allattoqarfiannut suliakkiutigisinnavaa.

§ 2 malillugu najoqquṭassiap sulinngiffeqarallartarnermut malittarisassartaasa illuatungaani aningasarsiaqaatigalugu sulinngiffeqarallartarneq, illuatungaani § 3-4 malillugit aningasarsiaqaataanngitsumik sulinngiffeqarallartarneq immikkoortippai. §§-it 5-8 malillugit najuutinngikkallartarneq tamatigut aningasarsiaqaataasumik akuersissutigineqartarpooq.

### *§ 2-mut*

Pisut Inatsisartunut ilaasortap aningasarsiaqaataasumik sulinngiffeqarallarnissamut akuerineqarfisinnasai § 2-mi aalajangersakkap taagorpai, § 12 takujuk.

Imm. 1 naparsimanermik pissuteqartumik, ilaasortap ullorsiutini ullut 14-it sinnerlugit atuuffimminik naammassinnaannginneranik nassataqarnissaat ilimagineqartunut sulinngiffeqarallartarnermut tunngassuteqarpoq. §§-it 5-7 malillugit najuunnissamut akornusiuttoq ullut 14-it sinnerlugit sivisussuseqarnissaa ilimagineqarpat najuutinngikkallarnerussaaq pisortatigoortumik akuerineqarnissamik qinnuteqaatigisariaqanngitsoq.

Peqqinnissakkut ajornartorsiutit, Inatsisartunut ilaasortap atuuffimminik naammassinninnissaanut akornusiuttut tamarmik taaguutip napparsimanerup ataaniippuit. Tassaasinnaapput timikkut (somatiske) tarnikkulluunniit napaatit, tassani aamma uippakajaarnermik nappaatit, taakku nakorsap naliliinera malillugu nakorsarneqartariaqarpata.

Tassunga atatillugu akornusiutoq napparsimanermik pissuteqartoq "pissutissaqavilluni najuutinnginnermik" taaneqartarpooq, tassa najuutinnginnissamut tunngavik unioqqutitsinngitsoq, kisiannili erseqqissaatigineqassaaq nappaat tamavimmiunnngillat pissutissaqavissumik najuutinnginnissamut tunngavittut isigneqarsinnaasut. Nappaat imaittuusariaqarpoq Inatsisartunut ilaasortap atuuffimminik naammassinninnissaanut akornusiuttuulluni. Tamatuma nassatarisaanik uippakajaarnerit annikitsut annikitsumilluunniit peqqiilliortutut misigisimanerit ippigusuuteqarnerilluunniit namminnerminnik pissutissaqavilluni najuutinnginnermut tunngavigissallugit tulluanngillat. Taamaalillutik nappaatit najuutinnginnissamut pissutaasinnaasut pillugit nassuaatigineqartut nalinginnaasumik sulinermi atugassiissutinut tunngaviusunut akuerineqartunut naapertuupput, taakkunani lu periuserineqartoq qanoq paasinninnissamut nassuaatitut atorneqarsinnaavoq.

Tamatuma saniatigut § 6-imut innersuussisoqarpoq, napparsimanermik pissuteqartumik najuutinnginneq ullorsiutini ullut 14-it qaangiutereernerisigut ingerlaqqinnissaa ilimagineqarpat Inatsisartunut ilaasortap sulinngiffeqarallarnissamik qinnuteqartussaatitaaneranik nassataqartumut.

Imm. 2 naartunermi, erninermi meeravissiartaarnermilu sulinngiffeqarallarnissamik periarfissamut attuumassuteqarpoq. Aningaasarsiaqartitaanermut inatsisip allannguutissaatut siunnersummi § 2, imm 3-mi siunnersuutigineqartoq aalajangersakkap naammassivaa, aningaasarsiaqartitaanermut inatsimmi maannamut § 2, imm. 5 aamma § 6, imm. 11 malillugit naartunerup, erninerup meeravissiartaarnerullu pissutissaqavilluni najuussinnaannginnertut nalilerneqarnissaa inatsimmut nassuaatit malillugit erseqqissumik piumasaqaataavoq.

Tassunga tunngatillugu itisiliivigineqarsinnaavoq naartuneq il.il. nappaataannginnerat taamaattorli suliffeqarnermi pisinnaatitaaffinnut il.il. tunngatillugu pissutissaqavilluni najuusinnaannginnertut isigineqarmata. Taamaattorli naartuneq erninerlu piffissanik mianersunneqarfiusariaqartunik nassataqartarnerat akuersaarneqarpoq, pissutissaqavillunilu najuusinnaannginnermik tassungaluunniit assersunneqarsinnaasumik nassataqartarlutik. Tamanna taamaallaat erninermut piffissamullu erniliivifffiusumut atuutingilaq, tassami ullutsinni aamma erninerup meeravissiartaarnerullu kingorna piffissani aalajangersimasuni meeqqap angajoqqaallu imminnut atassuteqalernissaat pilersinniarlugu pisariaqartitsisoqartarnera akuersaarneqarmat.

Sulinngiffeqarallartarnerit pineqartut qinnuteqarnikkut akuersissutigineqartarput, piffissalli akuersissutigineqartut piffissanit Namminersorlutik Oqartussani tjenestemandit taamatut atugaqartut pisinnaatitaaffigisassannit sivisunerussanngillat. § 1-imulli nassuaatit malillugit Inatsisartunut ilaasortat, tjenestemandit sulisutullu allatut pinnatik, naartunermut, erninermut meeravissiartaarnermullu atatillugu piffissami aalajangersimasumi sulinngiffeqarallarnissamut piginnaatitaaffeqarnissaminnut piumasaqaateqarsinnaanngillat.

Malittarisassat assingusut maannamut atuuttut naapertorlugit, naartunermi, erninermi meeravissiartaarnermilu sulinngiffeqarallartarnermut malittarisassat assigiissaakkat atorlugit, tjenestemandinullu malittarisassat atuuttut maleruarlugit, maannamut Inatsisartut periuseqarput. Siunissami aamma taamaannissaa ilimagineqarpoq. Pisunili immikkut ittuni Inatsisartut Siulittaasoqarfiata periuseq taanna sukateriffigissallugu toqqarsinnaavaa, assersuutigalugu pisumi ajornartorsiorfiusumi Inatsisartunut ilaasortat najuunnissaat ima piumasaqaataatigisoq nalilerneqarpal allaat ilaasortap erninermut atatillugu sapinngisamik siusinnerpaakkut sulinngiffeqarallalernissaat tunuartinneqartariaqarluni.

Imm. 3 qanigisap toqukkut qimاغunnerani perulunnartumilluunniit napparsimanerani sulinngiffeqarallartarnermut tunngassuteqarpoq. Aningaasarsiaqartitaanermut inatsisip allannguutissaatut siunnersummi § 2, imm 3-mi siunnersuutigineqartoq aalajangersakkap naammassivaa, aningaasarsiaqartitaanermut inatsimmi maannamut § 2, imm. 4 aamma § 6, imm. 10 malillugit qanigisap toqukkut qimاغunnerani perulunnartumilluunniit napparsimanerani najuutinnginnejq pissutissaqavilluni najuussinnaannginnertut nalilerneqarnissaa inatsimmut nassuaatit malillugit erseqqissumik piumasaqaataavoq. Tassunga atatillugu itisiliivigineqarsinnaavoq qanigisap toqukkut qimاغunnerani,

perulunnartumilluunniit napparsimanerani najuutinnginnej suliffeqarnikkut pisinnaatitaaffinnut il.il. tunngatillugu pissutissaqavilluni najuutinnginnertut isigineqannginnera. Taamaattorli pisuni taamaattuni ilaqtariinnikkut tunngassuteqartunik aallussinissap piffissani aalajangersimasuni pisariaqartarnera suliffeqarnikkut pisinnaatitaaffinnut malittarisassani akuerisaavoq.

Sulinngiffeqarallarnerit pineqartut qinnuteqarnikkut akuersissutigineqartarpuit, piffissalli akuersissutigineqartut piffisanit Namminersorlutik Oqartussani tjenestemandit taamatut atugaqartut pisinnaatitaaffigisassannit sivisunerussanngillat. § 1-imulli nassuaatit malillugit Inatsisartunut ilaasortat, tjenestemanditut sulisutullu allatut pinnatik, qanigisap toqunerani perulunnartumilluunniit napparsimanerani piffissami aalajangersimasumi sulinngiffeqarallarnissaminnut pisinnaatitaaffeqarnissamut piumasaqaateqarsinnaanngillat.

Malittarisassat assingusut maannamut atuuttut naapertorlugit, qanigisap toqunerani perulunnartumilluunniit napparsimanerani sulinngiffeqarallartarnermut malittarisassat assigiissaakkamik, tjenestemandinullu malittarisassat atuuttut maleruarlugit, maannamut Inatsisartut periuseqarput. Siunissami aamma taamaannissaa ilimagineqarpoq. Pisunili immikkut ittuni Inatsisartut Siulittaasoqarfiata periuseq taanna sukateriffigissallugu qinersinnaavaa, assersuutigalugu pisumi ajornartorsiorfiusumi Inatsisartunut ilaasortat najuunnissaat ima pisariaqartigisoq nalilerneqarpat allaat ilaasortap ilaqtariinnikkut tunngassuteqartunik annerpaamik akuerineqarsinnaasumik aallussinissaa tunuartinneqartariaqarluni.

Aningaasarsiaqartitaaneq il.il. pillugu inatsisip allannguutissaatut siunnersuummi § 4, imm 5-imi siunnersuutigineqartoq, sammisami maannamut malittarisassanik periutsnillu ingerlatseqqittooq imm. 4-p naammassivaa.

Imm. 1 pisulluunniit imm. 2-mi 3-milu taaneqartut malillugit napparsimanermik pissuteqartumik najuussinnaannginnermut uppernarsaammik Inatsisartunut ilaasortamit piumasaqaateqarsinnaanermut imm. 5-ip Inatsisartut Siulittaasoqarfiat periarfissippaa. Uppernarsaatit kingusinnerusukkut aatsaat saqqummiunneqarsinnaasut, soorlu qanigisap toqunerani toqusup allagartaata saqqummiunneqarnissaa sulinngiffeqarallarnerup qaangiunnerani piumasaqaatigineqarsinnaavoq.

### *§ 3-mut*

Qinikkatut atuuffinnik aalajangersimasunik aallussinissamut sulinngiffeqarallarnissamut akuersisoqarsinnaaneranut imm. 1 periarfissiivoq, tamanna ingammik borgmesteritut, viceborgmesteritut Kalaallit Nunaanni kommunalbestyrelsinut ilaasortatut, Naalakkersuisunut ilaasortatut Folketingimulluunniit ilaasortatut. Periarfissat tamakkerlutik taaneqarput, taamaammallu assersuutigalugu Savalimmiuni Lagtingimut Danmarkimiluunniit

kommunalbestyrelsimit ilaasortanngornissamut il.il. aalajangersagaq atorneqarsinnaanngilaq. Atuuffinnik allanik taamaattunik aallussiniarnermi § 4 malillugu sulinngiffeqarallarnissamut qinnuteqartoqarsinnaavoq immaqalu tamanna pisariaqassappat Inatsisartunut ilaasortaq atuuffimminit tunuavittariaqarssinnaavoq.

Naalakkersuisunut ilaasortatut atuuffimmut tunngatillugu, sulinngiffeqarallarnissamut periarfissaq aningaasarsiaqartitaanermut inatsimmi § 2, imm. 3-mi oqaaseqatigiit aappaanni taaneqareerpoq. Aalajangersakkap atuuffinnut allanut tunngatillugu periuseq atuuttoq taperserpaa.

Aalajangersagaq "sinnaavoq" atorlugu oqaasertalerlugu aalajangersarneqarmat, atuuffinnik taaneqartunik aallussinissamut sulinngiffeqarallarnissamut akuerineqarnissamut piumasaqaateqarnissaq tunngaviatigut ajornarpoq. Taamaattorli pisuni nalaanneqartuni sulinngiffeqarallarnissamut akuersissuteqartarneq aalajangersimasumik periusiuvoq. Imm. 2 aamma 3 malillugit aningaasarsiaqaataanngitsumik sulinngiffeqarallarnissamut akuersisoqartarpoq.

Aaqqissuussaq maannamut atuuttoq imm. 2-p malippaa, taanna malillugu Inatsisartunut ilaasortaq aningaasarsiaqaataasumik naalakkersuinikkut atuuffimmik allamik aallussiniarluni sulinngiffeqarallarnissamut akuerineqartoq, atatillugu aningaasarsiaqaatigalugu Inatsisartunut ilaasortatut atuuffimminit sulinngiffeqarallnikkut aningaasaqarnikkut iluaquserneqarsinnaanngilaq. Taamaammat sulinngiffeqarallarnerup nalaani aningaasarsianik aningaasartuuteqarnermulluunniit tapisionik katersaqartoqarsinnaanngilaq aamma soraernerussutisiassanik ilaasortaajunnaarnersiutinilluunniit katersaqarsinnaanngilaq. Aningaasarsiaqartitaanermut il.il. inatsisissamut siunnersuummi § 2, imm. 5-imut siunnersuutip imaa takujuk.

#### *§ 4-mut*

§ 1 malillugu "pisuni immikkorluinnaq ittuni" Inatsisartunut ilaasortatut atuuffimmit sulinngiffeqarallarnissamut akuersisinnaanermut aalajangersagaq periarfissiivoq, tassa pisuni qaqtigoorluinnartuni sukumiisumik nalilersuinermi Inatsisartunut ilaasortat ataatsimeeqataasussaatitaanerannut pisussaaffittullu innuttaasunut sullissilluni atuuffiuneranut tulluartuusutut nalilerneqarpat. Sulinngiffeqarallarnissamut qinnuteqaammut tunuliaqutaq ilaasortap ingerlatamik nukingernarluinnartumik assingusumilluunniit aallussiniarnera pisariaqarluinnartuussaaq.

Inatsisartut Siulittaasoqarfiata aalajangersagaq taanna malillugu sulinngiffeqarallarnissamut akuersissuteqarsinnaanermut periarfissaa sakkortuumik killilersugaavoq, Tassami Inatsisartunut ilaasortaanerup inatsisikkut aalajangikkamik avaqqunneqarsinnaanngitsumik pisussaaffigalugu innuttaasunik sullissilluni atuuffiunera Siulittaasoqarfiup ataqqissagamiuk.

Taamaammat Inatsisartunut ilaasortap Inatsisartunut ilaasortatut atuuffimminut naleqqiullugu sulinngiffeqarallarnissamut tunngaviusinnaasutut §§-it 2-mi 3-milu taaneqartut avaqqullugit allamik aallussaqarnissani pingaaertinneruguniuk Inatsisartunut ilaasortaanerminit tunuarnissamik qinnuteqarnissaa, tassa Inatsisartunit ataavartumik tunuarnissaa erseqqilluinnartumik pingarnertut malittarisassaavoq.

Taamaattorli atatillugu Inatsisartunut ilaasortap missingiineq aalajangersimasoq malillugu Inatsisartunut ilaasortatut atuuffimminit suliassaminik nukingernartumik aallussiniarluni piffissami killilimmi sulinngiffeqarallarnissamut akuerineqartarnera Inatsisartut periusianni akuerisaavoq. Aalajangersagaq taanna malillugu sulinngiffeqarallarnissamut akuerineqarnissamut piumasaqaateqartoqarsinnaanngilaq, imm. 3 malillugu taamak pisoqartillugu aningaasarsiaqaataanngitsumik il.il. sulinngiffeqarallarnissamut akuersisoqartapoq. Imm. 2 malillugu sulinngiffeqarallarnissaq akuerineqarpal sinniisussap aggersarneranut aningaasartuutaasinnaasunik ilaasortap matussusiinissaa Siulittaasoqarfip nalinginnaasumik piumasaqaatigisarpa.

Inatsimmi allassimaneratut sulinngiffeqarallarnissaq aalajangersagaq taanna malillugu akuersissutigineqarsinnaassappat periarfissaq pingarnerpaaq tassaavoq ilaasortap namminersorluni ingerlatamini suliassamik nukingernartumik suliaqarnissaata avaqqunneqarsinnaanngitsumik pingaaruteqarnera. Taaguut "namminersorluni ingerlatat" tassaavoq; namminerisamik aningaasaqarnikkut ingerlatat tassani aamma suliffeqarfimmik piginnittutut imaluunniit siulersuisunut siulittaasutut il.il. Namminersorluni ingerlatanut taamaattunut atatillugu immikkut ittunik tassanngaannartunik pisoqarsinnaavoq nammineerluni najuunnissamik pisariaqalersitsisunik, soorlu akiliisinnaajunnaarnissamik pisinnaasumik pinaveersaartitsiniarluni, ikuallattornerup ajunaarnersuaqarnerataluunniit kingunerani misissuilluni imaluunniit ingerlataq tuniniarlugu inuttut isumaqtigiiinniuteqarluni il.il. Akerlianik ingerlatap ulluinnarni ingerlanneqarneranut nammineerluni najuunnissamut pisariaqartitsineq tunngassuteqarpal, assersuutigalugu isertitat appiarnerannik imaluunniit piffissami sulisussaaleqisoqarneranik patsiseqarpal sulinngiffeqarallarnissamut akuersisoqarsinnaanngilaq.

Tamatuma saniatigut suliassanik nukingernartunik allanik pisariaqarluinnartunik namminersorluni ingerlatanut tunngassuteqanngitsunik aallutaqarniarluni sulinngiffeqarallarnissamut akuersisoqarsinnaaneranut imm. 1 periarfissiivoq. Namminersorlunili suliassat najuutinnginnissamik pisariaqarluinnalersitsisut ullunit 14-init sivisunerusumik najuutinnginnissamik nassataqartannginnissaat pingarnerpaaatut malittarineqassaaq, taamak pisoqarnerani nujuutinngikkallarnissamut akuersissummik Siulittaasoqarfimmut § 8-mi malittarisassaq malillugu qinnuteqartoqarsinnaavoq.

Qanigisap toqunerani perulunnartumilluunniit naparsimancerani sulinngiffeqarallarnissamut malittarisassaq taanna malillugu qinnuteqartoqarsinnaanngilaq, taarsiullugu § 2, imm. 3 takujuk.

Qanorluunniit taakku nukingernartigaluarpata, Inatsisartut avataatigut naalakkersuinikkut suliat nalinginnaasumik sulinngiffeqarallarnissamut akuersinissamut tungaviusinnaanngillat, tassami taakku "pisariaqarluinnartutut" nalilerneqarsinnaanerat qularnarmat. Inatsisartunut ilaasortatut atuuffiup avataatigut nunat tamalaat akornanni naalakkersuinikkut ataatsimiinnernut peqataanermut tunngatillugu § 8-mut nassuaatinut innersuussisoqarpoq.

Imm. 1 malillugu sulinngiffeqarallarnissamut akuersissuteqarnissamut sinniisussamik aggersaanermi aningaasartuutinik Inatsisartunut ilaasortap akiliuteqarnissaq piumasqaatigineqarsinnaasoq imm. 2-p aalajangerpaa. § 13-i malillugu namminerisamik siunniussamik aallussiniarneq tessani pineqarmat pisortallu aningaasaqernerannik nammakiisussaannginnera tamatumani tunngavigineqarpoq, § 3-lu malillugu naalakkersuinikkut sunniutilimmik siunertaqannginnera. Aningaasarsiaqartitaanermut inatsisip allannguutissaanut siunnersuummi § 2, imm. 4 aalajangersakkap naammassivaa.

Aningaasartuutit aalajangersagaq taanna malillugu matussuserneqarnissaat piumasqaatigineqarsinnaasut tassaapput angalanermut najugaqarallarnermullu aningaasartuutit, sinniisusanut sinniisutut atuuffimminnik naammassinninniarlutik Nuummukartussanut tessanilu najugaqarallartussanut atorneqartussat. Sinniisussat aningaasarsiaasa matussuserneqarnissaat pisariaqanngilaq, tassami § 12, malillugu aningaasartuutit taakku ilaasortamut sulinngiffeqarallarnissamik akuerineqartumut sipaarutaasunit matussuserneqassammata.

Aningaasarsiaqartitaanermut il.il. inatsisisstatut siunnersuummi § 2, imm. 4-amut siunnersuutit imarisaa imm. 3-p uterpaa, tamanna paasiuminarsaanissaq eqqarsaatigalugu.

### *§ 5-imut*

Inatsisartunut ilaasortat atuuffimminnik naammassinninnissamuk akornuserneqarallartut nalunaartussaatitaanerannut aalajangersagaq attuumassuteqarpoq. Najuutinngikkallarnermut pissutaasinnaasut §§-init 6-mit 8-millu malittarisassiorneqarput.

Imm. 1 malillugu Inatsisartunut ilaasortaq najuunnissaminut akornuserneqartoq il.il. erngerluni tamanna pillugu Inatsisartut Siulittaasoqarfiannut nalunaaruteqassaaq. "Erngerluni" isumaqarpoq ilaasortap ataatsimeeqataasussaatitaanerminut akornuserneqarnera paasinarsippat imaluunniit ilimanarsilluinnarpat ingerlaannaq nalunaarut tunniunneqassaaq. Ataatsimeeqataasussaatitaanerup annertussusaa pillugu § 1-imut nassuaatinut innersuussisoqarpoq.

Akornuserneqarnerup qanoq sivisutiginissaa ilimagineqarnersoq atatillugu nalunaarutigineqassaaq, tamanna ilaasortap missingiorsinnaappagu paasissutissamilluunniit allanik tamatumunnga tunngasunik tunniussisinnaappat.

Ilaasortap akornuserneqartup imm. 2 malillugu akornuserneqarnerup qanoq sivisutiginissaa ilimagineqarnersoq qaqugulu qaangiunnissaa pillugit paasissutissanik pingaarutilinnik Inatsisartut Siulittaasoqarfiat ingerlaavartumik nalunaarfigisassavaa. Tamanna pillugu paasissutissanik nutaanik saqqummertoqanngippat taava akornuserneqarnerup ilimagisatut sivisussuseqarunnaarnera pillugu ilaasortap nalunaarnissaa ilimagineqassaaq. Qanoq nutaarsiassaqarnera pillugu Siulittaasoqarfiput apeqqtigisinnasaanut ilaasortap akissuteqarnissaa tamatuma saniatigut ilimagineqassaaq.

Naak akornuserneqarneq allannguiteqanngikkaluartoq Siulittaasoqarfilluunniit saaffiginninngikkaluartoq kingullermik nalunaaruteqarnermiit ullut 14-it qaangiutinnginnerini akornuserneqarnerup killiffia pillugu Siulittaasoqarfimmut paasissutissiilluni nalunaaruteqartassaaq.

#### *§ 6-imut*

Nammineq napparsimanermut aalajangersagaq attuumassuteqarpoq, ilaasortap atuuffimminik naammassinnissinnaaneranut akornusiusinnaasuni pingarnerpaajusoq. Napparsimaneq aatsaat Inatsisartunut ilaasortatut atuuffimmik naammassinnissinnaanermut akornusiukkuni najuutinnginnissamut tunngaviusinnaavoq. Erseqqinnerusumik paasisaqarniaraanni § 2-mut nassuaatinut innersuussisoqarpoq.

Aalajangersagaq taanna malillugu napparsimanermut tunngatillugu, pissutaasinnaasutut allatut pinani, napparsimanermik pissuteqartumik najuunnissamut akornuserneqarneq ullut 14-it sinnerlugit sivisussuseqarnissaa paasinarsippat sulinngiffeqarallarnissamut § 2, imm. 1 malillugu ilaasortap qinnuteqarnissaa pimasaqaataavoq. Napparsimane runngitsunut pissutaasinnaasunut allanut tunngatillugu akornuserneqarnerup qanoq sivisutiginissaa pillugu siumungaatsiaq nalilersuinissaq nalinginnaasumik periarfissaqarneq ajorpoq.

#### *§ 7-imut*

Aalajangersakkap nassatarisaanik napparsimanermi najuunnissamullu pissutissaqavissumik akornuserneqarnermi, tamanna pillugu § 5, malillugu piffissaagallartillugu nalunaartoqarsimappat ingerlaavartumillu paasissutissiisoqartarpal il.il § 1, imm. 2 malillugu najuutinnginnerup akuerineqartutut isigineqarnera ilaasortap naatsorsuutigisinnavaa. Taamaattorli najuutinnginnermut pissutaasoq naammattutut nalilerneqanngippat Inatsisartut Siulittaasoqarfiat allatut nalunaarsinnaavoq. Tamatumunnga assersuutaasinnaavoq

timmisartukkut angallannermi aqqu tip aalajangersimasup aallarnissanut pilersaarutai takkunnissamut akornutaanngitsutut Siulittaasoqarfipu nalilerpagu, allakkut aqqu tissaqartoq malugineqarpat assersuutigalugu umiarsuakkut.

Inatsisartunut ilaasortamut imm. 1-imi taaneqartutut ittumik akornusuttoqarneranut uppernarsaammik imm. 2 malillugu Siulittaasoqarfik piumasaqarsinnaavoq, Taassuma ataani assersuutigalugu aamma napparsimanermut tunngatillugu nakorsamit napparsimanermut uppernarsaat.

#### *§ 8-mut*

Aalajangersakkap nassataraa napparsimanerit pissuteqavissumillu akornuserneqarnerit § 7-imi taaneqartut saniatigut immikkut pisuni aatsaat najuutinngikkallarnissamut akuersisoqarsinnaanera. Najuutinngikkallarnissamut taamaattumut aatsaat sukumiisumik nalilersuereernermi Inatsisartunut ilaasortat ataatsimeeqataasussaatitaanerannut § 1, § 4, imm. 1-ilu malillugit pisussaaffigalugu innuttaasunut sullisilluni atuuffiuneranut tulluartutut nalilerneqarpat Siulittaasoqarfik akuersisinnaavoq.

Najuutinnginnissaq aalajangersagaq taanna malillugu akuersissutigineqarsinnaassappat, akornusittup Inatsisartunut ilaasortap napparsimaneranut pissuteqavissumilluunniit najuussinnaannginneranut assersunneqarsinnaanissaa piumasaqaataavoq. Piumasaqaat taanna naammassineqarsinnaavoq assersuutigalugu pisuussutiginngisamik iluatsitsinerliorluni nalaatsornikkut ilaasortap timmisartoq ilaaffissani inortorsimappagu. Pisut allat tassaasinnaapput piffissaagallartillugu kalerrinneqanngitsoorneq, allamik isumalluutissaqaranimeeqqamut nukangasumut angajoqqaatut suliassaqalerneq. Angajoqqaatut suliassat allat nalinginnaasut, soorlu atuarfimmut atassuteqarneq meeqqalluumniit angajoqqaaminnik pisariaqartitsinerat, paaqqutarinninneq tuppallersaanerlu najuutinnginnissamut akuerineqarnissamut tunngaviusinnaanngillat.

Naalakkersuinermik suliat allat Inatsisartunut ilaasortatut atuuffimmut attuumassuteqanngitsut nalinginnaasumik najuutinnginnissamut akuerineqarnissamut § 8 malillugu tunngaviusinnaanngillat. Taamaattorli Siulittaasoqarfipu maannamut periusiani tamatuminnga saneqqussinerit tassaasinnaapput nunat tamalaat akornanni naalakkersuinikkut ataatsimiinnerit sivikitsumik ingerlanneqartut aaqqissuussallu allat:

Inatsisatunit pisortatigoortumik aallartitatut ilaasortaq ataatsimiinnermut il.il. peqataaguni, tamatumunngalu Inatsisatunit toqqagaalluni, taava ataatsimiinnermut peqataaneq Inatsisartunut ilaasortatut atuuffimmut pilersaarutaasumik ilaavoq.

Ilaasortalli namminersuutigalugu partiiniluunniit tunuliaqutaralugu nunat tamalaat akornanni ataatsimiinnermut aaqqissuussamulluunniit allamut peqataanissani kissaatigippagu,

oqalliffimmi pineqartumi qaffasissumik inissisimasumik peqataasoqarnera Kalaallit Nunaata soqutigisaanut isigineqarneranullu iluaqutaasutut Inatsisartut Siulittaasoqarfiata nalilerpagu, saneqqussilluni najuutinnginneq akuersissutigineqarsinnaavoq. Sulinngiffeqarallarnerli piffissami sivikinnerusumi taamaallaat akuersissutigineqarsinnaavoq, tamanna Inatsisartut sulinerannut tulluartuuusutut nalilerneqarpat.

Aalajangersagaq taanna malillugu najutinnginnissamut akuerineqarnissamut piumasaqaateqartoqarsinnaanngilaq, kiisalu akuersinermut atatillugu najuutinnginnerup tunngavia pillugu upernarsaammik saqqummiussisoqarnissaanik Inatsisartut Siulittaasoqarfiat piumasaqarsinnaavoq.

§ 8 malillugu akuersissut oqaaseqatigiit aappaanni aalajangersagaq malillugu siumungaaq nalunaarutigineqarsinnaavoq, tassa najuutinnginnissamut sioqqutsilluni qinnuteqartoqassaaq, imaluunniit najuutinnginnissamut tunngaviusup saqqummernerani erngertuimik. Soorunami akuersissutigineqanngitsumik najuutinnginneq kingornatigut tunumoortumik akuersissutigineqarsinnaanngilaq.

Akuersissutigineqanngitsumik najuutinnginneq § 13 malillugu aningaasarsianit ilanngaassiffigineqarnermik nassataqassaaq, Inatsisartullu najuutinnginnermut nalunaarsuiffianut § 11 malillugu saqqummiunneqarluni.

#### § 9-mut

Najuutinnginnissamut sulinngiffeqarallarnissamullu nalunaarnernut qinnuteqaatinullu tamanut aalajangersagaq attuumassuteqarpoq, assersuutigalugit § 7 malillugu najuutinnginnissamut nalunaarutit, § 8 malillugu najuutinnginnissamut qinnuteqaatit, najuutinnginnerup killiffia pillugu nalunaarutit kiisalu najuutinnginnermi tunngavigineqartut suuneri suusimaneriluunniit pilligit upernarsaatinik tunniussinerit, il.il. Aamma § 2, imm. 4 malillugu akiliunneqarluni angalanermi aningaasartuuteqarnermut tapisiaqartitaanissamut qinnuteqaatit § 15-ilu malillugu ilaqtutanik ingiallorqeartarneq aamma ilanngunneqarpoq.

Saaffiginnissutinut taamaattunut qanoq ilusiliinissamut kingusinnerpaamillu tunniussivissamut killiliinissamut Inatsisartut Siulittaasoqarfiat aalajangersaasinnaavoq, tassani assersuutigalugu aamma sulinngiffeqarallarnissamut qinnuteqaatit allaganngorlugit, qarasaasiakkut imaluunniit immersukkamik nittartakkamut aalajangersimasumut mailikkulluunniit tunniunneqartarnissaannut. Qanoq ilusiliinissamut kingusinnerpaamilluunniit tunniussivissamut eqquutsitsinngitsoornerit saaffiginnissutip tiguneqarsimannnginneratut nalilerneqarneranik imaluunniit kissaatigisaq naapertorlugu akuerineqannginneranik nassataqarsinnaapput.

### *§ 10-mut*

Aalajangersakkap sulinngiffeqarallarnissamut najuutinngikkallarnissamullu  
akuersissuteqarnermi aalajangererit aalajangersimasut Inatsisartut Allattoqarfiannut  
isumagisassanngortillugit Inatsisartut Siulittaasoqarfiat aalajangersinnaatippaa, taamaalilluni  
akuersissuteqartarnermut atatillugu assigiliaaginnartunik isummerfigisariaqanngitsunillu  
Siulittaasoqarfik nammakkerneqassanngilaq. Aningaasartuutinut matussusiisarnermut  
akuersissutinut il.il aamma tamanna atuuppoq, § 2, imm. 4 aamma § 15 takukkit.

Suliassat agguataarneqarnerat aalajangersagat taanna malillugu imaappoq Inatsisartut  
Allattoqarfiaita akuersissuteqarnermik suliat nalornissutissartaqanngitsut kisiisa  
isummerfigisinnaavai. Suliat taamaattut Siulittaasoqarfip ilitsersuutai periusialu malillugit  
aalajangiiffiqeqarsinnaapput, tassani aamma atugassarititaasut pillugit  
uppernarsaateqarnissamullu piumasaqaatit.

Suliat nalorninaatsillit Inatsisartut Siulittaasoqarfiannut saqqummiunneqartussat tassaapput  
suliat aalajangersimasumik periuseqarfingineqanngitsut Siulittaasoqarfimmiilluunniit  
ilitsersuiffigineqanngitsut, ilaatigullu suliat tatiginartumik uppernarsaatitaqannginnamik  
qlarnaatillit, naak Siulittaasoqarfip tamakku saqqummiunneqarnissaat nalinginnaasumik  
ilimagisariaqaraa.

Inatsisartunut ilaasortap kissaatigisaq malillugu akeusissummik nalunaarfigineqanngitsup  
suliap Inatsisartut Siulittaasoqarfiannut nutaamik naliliiffigisassanngorlugu  
saqqummiuteqqinnejarnissaanut qaqugukkulluunniit piumasaqarsinnaanera imm. 2-mi  
aalajangersakkap isumannarpaa. Taamaattoqarnerani taannalu periutsimut  
aalajangersimasumut ilitsersuummullu allattoqarfimmut tunniunneqarsimasumut  
naapertuitinngippat Inatsisartut Siulittaasooqarfiaita aalajangerermik allannguiinarnerluni  
isumaliutigissavaa. Akerlianik sooq kissaatigisaq malillugu akeusisoqarsinnaasimannginnera  
pillugu naammattumik pitsaassusilimmik ilaasortaq nassuaanneqarsimanersoq  
Siulittaasoqarfip misissussavaa.

### *§ 11-mut*

Pissutissaqavissumik akornuserneqarallarnermik sulinngiffeqarallarnermik il.il.  
pissuteqartumik ilaasortat qanoq annertutigisumik atuuffimminnit najuussimannginnerat  
pillugu innuttaasunut paasisutissiissallutik aalajangersakkamik Inatsisartut imminnut  
pisussaaffilerput. Taamaalillutik qinikkat naalakkersuinermik suliaqartut Inatsisartunut  
ilaasortatut § 1 malillugu qanoq annertutigisumik ataatsimeeqataasussaatitaanerminnut  
naammassinnissimanerat pillugu paasitinneqarnissaminut innuttaasut  
isumannaarinnissunneqassapput.

Paasissutissat Inatsisartut ukiumoortumik nalunaarutaanni kisitsisinngorlugit saqqummiunneqassapput. Najoqquqtaaq una malillugu Inatsisartunut ilaasortat ataasiakkaat sulinngiffeqarallarnerinut najuutinnginnerinullu pissutaasimasut aallaavigalugit immikkoortiterlugit paasissutissat saqqummiunneqarnissaat ilimagineqarpoq. Taamaattorlu saqqummiussinermi tamatuma saniatigut ilaasortat ataasiakkaat suliffiup avataatigut inuuneri qulaarneqassanngillat, aamma sulinngiffeqarallarnissamut qinnuteqaatit ataasiakkaat, ilaqtariinnikkut ilaasortallu ataasiakkaat namminersorlutik ingerlataannut tunngassuteqartunik imaqarsinnaasut, tamanut saqqummiunneqarnissaat nalinginnaasumik inerteqquaassaaq. Taarsiullugu ilaasortat ataasiakkaat ullunik qanoq amerlatigisunik sulinngiffeqarallarsimanerinut najuussimannginnerinulluunniit paasissutissat saqqummiunneqassapput, assersuutigalugu § 2, imm. 3 malillugu qanigisamik toqusoorsimanerit perulunnartumillu napparsimasoorsimanerit.

#### *§ 12-imut*

Aalajangersakkap Inatsisartunut ilaasortaq aatsaat § 2 malillugu sulinngiffeqarnissaminut akuerineqarsimaguni aningaasarsiaqarsinnaasoq aningaasartuuteqarnermullu tapisiaqarsinnaasoq aalajangerpaa (napparsimaneq, naartuneq, ernineq, meeravissiartaarneq kiisalu qanigisap toqunerani perulunnartumilluunniit napparsimanerani).

Akerlianik §§-it 3 aamma 4 malillugit sulinngiffeqarallarnermi aningaasarsiaqartoqarneq ajorpoq aningaasartuuteqarnermullu tapisiaqartoqartarani, tamaanga aamma § 3, imm. 2 aamma § 4, imm. 3 tamatuma saniatigut soraarnerussutisiaqalernissamut katersaqarnermut tunngassutilik, kiisalu § 3, imm. 3 ilaasortaajunnaarnersiutinut katersaqartarnermut tunngasoq.

#### *§ 13-imut*

Aalajangersakkap Inatsisartunut ilaasortaq aatsaat § 7 malillugu najuutinngikkallarnissamut akuerineqaruni aningaasarsiaqassasoq aningaasartuuteqarnerminullu tapisiaqartitaassasoq aalajangerpaa (napparsimaneq atuuffimmi najuunnissamut pissuteqavissumik akornuserneqarneq) imaluunnit § 8 (pisut napparsimanermut najuunnissamulluunniit pissutissaqavilluni akornuserneqarnermut sanilliunneqarsinnaasut).

Akerlianik piffissami akuerineqanngitsumik najuutinnginnerup nalaani  
aninggaasarsiaqartoqarneq ajorpoq aninggaasartuuteqarnermullu tapisiaqartoqarneq ajorluni.  
Piffissami tassani ullormiit ullormut aninggaasarsiassanit ilanngaassissoqartarpooq.

### § 14-imut

Imm. 1-ip nassataraa sulinngiffeqarallartoqarnerata najuutinngikkallartoqarneratalu nalaani  
partii kattusseqatigiilluunniit pineqartup ilaasortaaffigisaa sinniisussamik aggersaanissamut  
qinnuteqarnissaata pisariaqarnera.

Sinniisussamik aggersaanissamut qinnuteqaatip akuerineqarsinnaaneranut aalajangernerminut  
atatillugu Siulittaasoqarfip najuutinnginnerup qanoq sivikitsiginissaa sivisutiginissaaluunniit  
nalilersussavaa. Taamaalilluni soorlu maannamut periuseq taamaattoq, sinniisussamik  
aggersaasoqassappat najuutinngikkallarnerup ullorsiutini 14-it sinnerlugit  
sivisussuseqarnissaata pisariaqarpoq. Periuseq taamaattoq ilaatigut partiinut partigruppinullu  
mikinernut iluarnavianngilaq, ingammik partiimut ataatsimik ilaasortaatitaqartumut  
taamaattummi ilaasortaatitaa najuussinnaanngippat sinniisussamillu aggersaanissamut  
akuersisoqanngippat partii sulisinnaajunnaassagami.

Maannamut periuseq atorneqartoq imm. 2-p ingerlateqqippaa, taanna malillugu Inatsisartunut  
ilaasortamut toqukkut qimaguttumut, nammineersinnaassusiagaasumut Inatsisartunilluunniit  
tunuarnissamik qinnuteqaanneqartumut sinniisussamik aggersaanissaq Inatsisartut  
Siulittaasuata namminersuutigalugu isumagissavaa. Inatsisartunut ilaasortap  
qinigaasinnaassusiagaanissaa Inatsisartunit aalajangiunneqarpat aamma tamanna atuuppoq.  
Malittarisassat taakku assingi maannamut suleriaatsip § 58, imm. 1-ani aalajangersagaapput.

Pisoq taaneqartoq katersunnerup avataatigut pippat, sinniisussaq aatsaat katersunnerup  
tulliup aallartinnerani atuutilersumik aggersarneqassaaq.

Oqaaseqatigiit pingajuisa aalajangersarpaat piffissami sinniisup qinigaasinnaassusia  
Inatsisartunit akuersissutigineqarpat taava taanna Inatsisartunut ilaasortatut isigineqalissaq.  
Piffissami tassani sinniisup taarsigaa ilaasortatut atuuffimminit ingerlatsisinnaajunnaassaaq,  
taamaalilluni Inatsisartunut ilaasortat amerlassusaat  
allanngortinnejassanngilaq. najuutinngikkallarnerup sulinngiffeqarallarnerulluunniit naanerani  
§16-i malillugu aamma taamak pisoqassaaq.

Sinniisussap qinigaasinnaassusia maannakkutut Qinigaanerup Misilinneqarnisaanut  
Ataatsimiitaliamit suleriaatsimi § 7, imm.1, oqaaseqatigiit aappaat malillugu  
misissorneqassaaq, tamatuma kingorna ataatsimiitaliaq inassuteqaammik Inatsisartunut  
saqqummiussissaaq. Maannamut malittarisassanut naleqqiullugu periuseq taanna

allannguiteqanngilaq, maannamut suleriaatsimi § 58, imm. 2 oqaaseqatigiit aappaat takujuk.

*§ 15-imut*

Sinniisussat aggersagaasut ilaqtutanit ingiallorteqartarnerinut aningaasartuutinut malittarisassiani aalajangersakkat Inatsisartut inatsisaanni nr. 22-mi 18. december 2003-meersumi (ningaasarsiaqartitaanermut inatsit) kingullermik 2011-mi allannguiteqartinneqartumi § 5-imiippuit.

Aalajangersakkap taassuma sulinngiffeqarallartarnermut malittarisassianut ilanngunneqarneratigut Siulittaasoqarfik periarfissinneqarpoq § 10 malillugu angalanermi ilaqtutanik ingiallorteqarsinnaanermut Inatsisartut Allattoqarfiat akuersissuteqarsinnaalersillugu, tamanna nalunaarutip qinnuteqaatillu qularinissaanut tunngavissaqanngitsutut Allattoqarfuiup nalilerpagu. Taamaalilluni periuseq ukiorpassuarni pioreersoq malittarisassiuunneqarpoq.

*§ 16-imut*

Aalajangersakkap qaugu sinniisup aggersagaalluni sinniisuunerata naanissaa erseqqissarpaa, tamanna ingammik Inatsisartunut ilaasortatut atuuffimmi aningaasarsiaqartitaanerup il.il uninnissaanut pingaaruteqarpoq.